



## Publicaziuns dalla vischnaunca, jamna 13

### Cussegl da vischnaunca

Il cussegl da vischnaunca seraduna **venderdis, ils 29 da mars 2019**, allas 2015 en casa communal.

#### Tractandas:

1. Protocol 18-2017/2020
2. Projects da canalisaziun: Separaziun d'aua Clavaniev Nova canalisaziun Latis – casa da scola – Nova canalisaziun zona da mistregn Pignola 2: Damondas da credit (messadi nr. 29-2017/2020)
3. Lescha d'agricultura: Revisiun parziala – Secunda lecziun (messadi nr. 23.1-2017/2020)
4. Ura da damondas (conform ad art. 44 dil regulativ da fatschentas)  
*Il president dil cussegl da vischnaunca*

---

### Planisaziun locala

#### Invitaziun ad in'orientaziun publica

Dapi il matg 2014 ei la lescha federala davart la planisaziun dil territori revedida en vigur. Ils cantuns ein obligai d'adattar lur plans directivs allas novas pretensiuns federalas. Il cantun Grischun ha ademplich quell'obligaziun ils 20 da mars 2018 entras l'approbaziun dil plan directiv. Ussa tucca ei allas vischnauncas d'adattar lur planisaziun locala a quellas pretensiuns, cunzun las zonas da habitar. La revisiun dalla lescha federala davart la planisaziun dil territori ha la finamira da prevegnir che las zonas da habitar vegnien buca engrondidas e concentradas, cunzun leu nua che la damonda sesanfla. Consequentamein pretendan cantun e confederaziun che las zonas da baghegiar periferas vegnien reducidas a favur dallas aglomeraziuns. La surfatscha da parcelas surbaghegiadas parzialmein e parcelas cun potenzial d'augmentar l'utilisaziun enteifer ils vitgs duei vegnir concentrada anenviars a favur dil terren agricol, dalla natira e dil spazi en zonas da recreaziun.

Davart tgei che quei munta e co la procedura da sviluppar la planisaziun locala per nossa vischnaunca se presenta vegn informau **gliendisdis, ils 8 d'avrel 2019** allas 2015 en halla Cons.

Igl emprer pass per realisar las pretensiuns dil plan directiv cantunal ei il relasch d'ina zona da planisaziun entras la vischnaunca. Enteifer la zona da planisaziun astga vegnir fatg nuot che sa pregiudicar la revisiun dalla planisaziun locala ni che savess cunterfar a quella. Damondas da baghegiar astgan mo vegnir lubidas, sch'ellas cunterfan ni allas prescripziuns cun vigur legala ni alla nova planisaziun e prescripziuns previdas. Ina zona da planisaziun munta pia buc ina bloccada da baghegiar, mobein conceda all'istanza da baghegiar il dretg e l'obligaziun da giudicar con lunsch ch'in project da baghegiar pregiudichescha las finamiras dalla planisaziun locala en revisiun e da prender las disposiziun necessarias per prevegnir a tals conflicts.  
*Suprastonza communal Disentis/Mustér*

---

### Referendum facultativ

Ils 22 da fevrer 2019 ha il cussegl da vischnaunca approbau unanimamein la revisiun parziala dalla lescha davart igl encurir cristallas e mineralias ed il lavar aur. Encunter quella decisiun ei enteifer il termin fixau buca vegniu fatg diever dil referendum, aschia che la revisiun parziala dalla lescha passa en vigur retroactivamein cuagl 1. da schaner 2019.

La lescha davart igl encurir cristallas e mineralias ed il lavar aur (incl. carta cun la zona lubida da lavar aur) sco era las ulteriuras legislaziuns communalas ein publicadas sin [www.disentis.ch](http://www.disentis.ch) / Downloads / Leschas.  
*Suprastonza communal*

---



**Via Sontga Catrina: signalisaziun negina preferenza (sig. 3.02) / Via Luzzas: signalisaziun negina preferenza (sig. 3.02) / Via Soliva: signalisaziun negina preferenza (sig. 3.02)**

En la seduta dils 4 da mars 2019 ha la suprastonza communal approbau la signalisaziun «negina preferenza» per suandontas sbuccadas da vias:

- Mustér; Via Sontga Catrina, sbuccada en la Via Acletta V723.63
- Mustér; Via Luzzas, sbuccada en la Via Acletta V723.63
- Mustér; Via Soliva, sbuccada en la Via Acletta V723.63

La documentaziun davart quei conclus vegn publicada naven dils **29 da mars entochen ils 29 d'avrel 2019** en casa communal (stanza nr. 10).

Encunter quei conclus sa sin fundament digl art. 107 lit. 1 SSV vegnir recurriu a scret alla suprastonza communal Mustér enteifer 30 dis dapi la publicaziun el «Fegl official dalla Surselva». Silsunter succeda la procedura d'approbaziun entras las instanzas cantunales.

*Suprastonza communal Mustér*

---

## **Vischnaunca Disentis/Mustér**

### **Relasch d'ina zona da planisaziun**

A caschun dalla seduta dils 4 da mars 2019 ha la suprastonza communal decidiu da relaschar ina zona da planisaziun per igl entir territori dalla vischnaunca da Disentis/Mustér tenor igl art. 21 dalla lescha davart la planisaziun dil territori per il cantun Grischun (LPTGR) cun las suandontas finamiras da planisaziun:

- a) Examinar ina reducziun dallas zonas da baghegiar (zonas da habitar, zonas mischedadas e zonas da center) ordeifer ed agl ur dil territori surbaghegiu per gronda part tenor las prescripziuns egl art. 15 al. 1 e 2 dalla lescha da planisaziun dil territori federala (LPT) e tenor las prescripziuns dil niev plan directiv cantunal «habitadi» (PDC-H) ch'ei vegnius concludius dalla regenza ils 20 da mars 2018.
- b) Realisar las ulteriuras pretensiuns tenor igl art. 15 LPT sco era tenor il PDC-H cantunal, en special quei che concerna la promoziun d'in svilup da habitadis d'aulta valur da construcziun egl intern e da renovar ils habitadis (PDC-H, cefra 5.1.2, instrucziuns d'agir).

Ella zona da planisaziun astga vegnir fatg nuot che savess engreviar la nova planisaziun ni che savess cunterfer a quella. Damondas da baghegiar astgan mo vegnir lubidas, sch'ellas cunterfan ni allas prescripziuns cun vigur legala ni allas novas planisaziuns e prescripziuns previdas (cumpareglia art. 21 al. 2 LPTGR). Lubientschas da baghegiar vegnan remessas duront che la zona da planisaziun ei en vigur specialmein, sche la damonda da baghegiar

- nezegia surfatschas che sesanflan ordeifer il territori surbaghegiu per gronda part (specialmein surfatschas destinadas potenzialmein per ina dezonaziun tenor la retscherca cantunala en connex cul plan directiv),
- pertucca territoris da concentraziun e renovaziun, ni
- consumescha buca silmeins 80 procent dall'utilisaziun pusseivla sin la parcella da baghegiar.

La suprastonza communal fa la resalva ch'ella sa concretisar la zona da planisaziun da tut temps tenor il stan da planisaziun respectivamein ch'ella sa adattar la zona da planisaziun al stan da planisaziun mintgamai actual. La zona da planisaziun vala ad interim entochen ils 29 da mars 2021 (dus onns). Il relasch dalla zona da planisaziun sa vegnir contestaus enteifer 30 dis a partir dalla publicaziun officiala cun in recuors da planisaziun tier la regenza (art. 101 al. 1 LPTGR).

Disentis/Mustér, ils 25 da mars 2019

*Suprastonza communal*



### Lenna da brisch

Damondas per lenna da brisch (pégn ni fau) ein da far a scret entochen **ils 18 d'avrel 2019** agl uffeci forestal dalla vischnaunca da Mustér, Simon Cathomen, caum postal 57, 7180 Disentis/Mustér ni per e-mail; uaul@disentis.ch. Per plascher indicar il sortiment giavischau (lenna sort ni lenna fendida) ed il quantum. Sin giavisch vegn la lenna era furnida franco a casa.

*Uffeci forestal Disentis/Mustér*

---

### Via d'uaul Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars-Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen **miez fenadur 2019**. Per sclariment stat il biro da planisaziun Enzler Bauleitungen, tel. 081 250 35 35, ni il selvicultur da revier Simon Cathomen, tel. 081 920 36 41, bugen a disposiziun. Nus supplichein da prender enconuschientscha da quest avis.

Bien engraziament per la capientscha.

Disentis/Mustér, ils 13 da mars 2019

*Uffeci forestal Disentis/Mustér*

---

### Serrada dalla Via Cavardiras

#### Tschancun dutg da Caprau entochen sbuccada dalla via Caprau

Igl uffeci da construcziun bassa dil Grischun preveda ina sanaziun generala dalla via da comunicaziun a Cavardiras. Duront las lavurs da construcziun sto la via vegnir serrada per scadin traffic sil tschancun naven da Scaletta entochen Brulf.

**Las lavurs da construcziun per l'emprema etappa entscheivan l'entschatta avrel e cuozan entochen miez fenadur 2019.**

In'untgida ei pusseivla sur la via da comunicaziun Pardomat–Cavardiras per vehichels entochen 11 t. Per pedunzs e velocipedists ei il passadi adina pusseivels. Per ulteriur sclariment san ins contactar il biro d'inschignier Iso Mazzetta, Ursin Venzin, 076 337 54 38, ni il menader infrastruttura, Ervin Maissen, 081 920 36 45.

Bien engraziament per Vossa capientscha.

Disentis/Mustér, ils 11 da mars 2019

*Uffeci da construcziun bassa dil Grischun, district 6*

*Uffeci da baghegiar ed infrastruttura*

*dalla vischnaunca da Mustér*

---

### Rimnada da pupi

#### Venderdis, ils 12-4-2019

**Adatg! Ei vegn mo rimnau: gasettas, illustradas, catalogs, cudischs e prospects stampai.**

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!

*Scolas Mustér, Ch. Berger*

---



## Scola da musica Surselva

### Parcours d'instruments

La Scola da musica Surselva organisescha per tut quels che han grev da sedecider ed era per tuts che han marveglias in parcours d'instruments. Dapli informaziuns sut: [www.bzs-surselva.ch](http://www.bzs-surselva.ch). Tastas ni trumbetta? Cordas ni cantadas? Saxofon ni xilofon? Tgei plai a ti? Neu ed emprova! **Sonda, ils 13 d'avrel 2019** dallas 10.00– 12.00 en casa da scola a Mustér. 10.00 beinvegni ella halla Cons, suenter cuort concert cul Brassorama.

Center da formaziun Surselva CFS

---

## Pleiv s. Gions

### Radunonza generala

**Venderdis, ils 5 d'avrel** allas 20.15 en halla Cons

#### Tractandas:

1. Beinvegni
2. Approbaziun dils protocols
3. Rapports:
  - a) dil president dalla pleiv
  - b) dalla presidenta dil cussegl pastoral
4. Rapports da quen
5. Rapports dils revisurs da quen e scarica alla suprastonza
6. Elecziuns:
  - a) president
  - b) ugau-baselgia s. Gions
7. Preventivs
8. Fixaziun dil pei da taglia
9. Renovaziun casa pervenda: adattaziun dil credit
10. Orientaziuns
11. Undraziuns
12. Varia

Cordial invit a nossa radunonza generala  
*la suprastonza dalla pleiv s. Gions*

---

## Fiera da resti d'affons cun stiva da caffè

**Buffet da pettas e per ils affons in cantun da termagliar!** Nus prendein encunter bien, schuber ed entir resti da stad e d'unviern tochen grondezia 176, vestgadira da gravidonza, termagls, calzers, sezs d'autos e da meisa, crotschas, velos, capellinas, skis, scarsolas eav. Dunnas che drovan ina nova numera ni han damondas, san contactar Helen Lutz, tel. 079 565 06 35.

#### Dar giu resti:

**Venderdis, ils 29 da mars 2019**, dallas 16.30–17.00 en halla Cons, Mustér. Adatg: per plascher mintga grondezia da resti separau en ina tastga!

#### Vendita:

**Venderdis, ils 29 da mars 2019**, dallas 19.00–21.00 e **sonda, ils 30 da mars 2019**, dallas 9.00–10.30 en halla Cons, Mustér

#### Retuorn dil resti buca vendiu e pagament (minus 20%):

**Sonda, ils 30 da mars 2019**, dallas 12.30–12.45. Per uorden che maunca savein nus surpender negina responsabladad. Vegni e mirei, e forsa veis gie gust da star aunc in mument da cumpignia en nossa stiva da caffè!



### Kinderkleiderbörse mit Kaffeestube

**Kuchenbuffet und für die Kinder gibt es eine Spielecke!** Wir nehmen gut erhaltene, saubere und ganze Sommer- sowie Winterkleider bis Grösse 176 entgegen, Schwangerschaftskleider sowie Spielsachen, Schuhe, Auto- und Tischsitze, Kinderwagen, Velos, Helme, Ski, Schlitten usw. Frauen, die eine Nummer brauchen oder Fragen haben, können mit Helen Lutz, Telefon 079 565 06 35, Kontakt aufnehmen.

#### Annahme:

**Freitag, 29. März 2019**, von 16.30–17 Uhr in der Turnhalle Cons, Disentis. Achtung: Bitte jede Kleidergrösse separat in eine Tasche!

#### Verkauf:

**Freitag, 29. März 2019**, von 19–21 Uhr und **Samstag, 30. März 2019**, von 9–10.30 Uhr in der Turnhalle Cons, Disentis

#### Auszahlung (abzüglich 20%) und Rückgabe:

**Samstag, 30. März**, von 12.30–12.45 Uhr. Für fehlende Sachen können wir keine Haftung übernehmen. Kommt und schaut, und vielleicht bleibt danach noch ein wenig Zeit für unsere Kaffeestube!

Nus selegrein sin Vossa viseta

*Uniun da dunnas Disentis/Mustér, gruppa d'organisaziun fiera da resti*

---

### Frühling-Kindertreff im Aua Viva

**Am Samstag, 30. März**, findet von 10 bis 11.30 Uhr der nächste Kindertreff im Aua Viva statt. Wir wollen zusammen singen, Geschichten hören, basteln, spielen und Spass haben! Der Kindertreff steht unter dem Motto «Frühling» und ist offen für reformierte und andere interessierte Kinder von ca. vier bis zehn Jahren. Auch Eltern sind willkommen, wenn dies die Kinder wünschen. Weitere Auskünfte und Anmeldung bei Bettina Müller Hendry, 078 808 58 53.

Wir freuen uns auf einen fröhlichen Morgen!

*Yvette Riesen, Eva-Katharina Tomaschett, Susanne Strupler, Bettina Müller Hendry*

---

### Societad svizra per tgauns da localisaziun e spindrament da personas Redog

#### Tgi ei Redog, e tgei fa Redog?

Referat public cun Jeremias Janki, anteriur president central Redog, **ils 3 d'avrel 2019** allas 20.00 ella sala Cristalla a Sedrun (halla plurivalenta Dulezi). In cordial beinvegna a tuts interessai fa *l'uniun samaritana Sedrun Tujetsch*

---

### Uniun samaritana Mustér

#### Cuors: Agid d'urgenza tier affons pigns/Notfälle bei Kleinkindern

**Sonda, ils 13 d'avrel 2019**, 8.00–12.00 ni evtl. 13.00–17.00 en casa da scola, Mustér

Cuntegn dil cuors:

- Prighels en ed entuorn casa
- Reanimaziun
- Curdada dalla meisa da far schetg
- Co reagar sch'enzatgei ei iu a traviers?
- Frida d'electricidad

Il cuors sedrezza a mummas e babs, tattas e tats ed a tut las personas che han da far cun affons pigns ed era pli gronds. Per informaziuns ni damondas stundel bugen a disposiziun. Annunzias ein da far entochen ils 5 d'avrel 2019 tier Martina Giger, 079 299 36 13, [martina.casanova@gmx.ch](mailto:martina.casanova@gmx.ch)

---



## Center sursilvan d'agricultura

### 11. Generalversammlung

**Donnerstag, 4. April 2019**, 20.15 Uhr im Center sursilvan d'agricultura. Die Traktanden sind auf unserer Internetseite aufgeschaltet: [www.agricultura.ch](http://www.agricultura.ch). Nach der GV erwartet uns ein Input-Referat von Stefan Forster: «Trends im natur- und kulturnahen Tourismus – Auswirkungen auf die Surselva». Anschliessend an die GV laden wir Sie herzlich zu einem Imbiss sowie Umtrunk und einem gemütlichen Beisammensein ein.

---

## Kurs: Räuchern mit einheimischen Kräutern und Harzen

### Anwendung für Menschen und Tiere

**Dienstag, 9. April 2019**, 13.30–16.30 Uhr Center sursilvan d'agricultura. Wie funktioniert das Räuchern? Welche Kräuter sind geeignet? Was bewirken die geräucherten Kräuter und Harze? Und wie kann ich für Menschen und Tiere das Räuchern von Kräutern gezielt anwenden? Kursleitung: Dominique Bundi, Absolventin Kräuterakademie Salez. Anmeldung: bis 1. April unter 079 552 23 32 oder [info@bundi-chischliun.ch](mailto:info@bundi-chischliun.ch)

---

## Vortrag: Wollsein unterwegs

### Schafwolle, Schweizer Kleidung und Erfahrungen auf der Schafalp

**Donnerstag, 11. April 2019**, 20 Uhr Center sursilvan d'agricultura, Disentis/Mustér. Drei Referenten rücken an diesem Abend das Schaf in den Mittelpunkt des Geschehens: Raphael Müller vom jungen Unternehmen «wollsein» berichtet über Schweizer Schafwolle und deren Verwendung. Oliver Gross vom Unternehmen «Rotauf» berichtet von den Ansprüchen an hochwertige Schweizer Outdoor-Bekleidung. Und der Schafhirt Norbert Brandtner, der vor wenigen Jahren auf Nalps Schafe gehütet hat, wird von seinen Grenzerfahrungen als Schafhirt erzählen. Stallbar ab 19.30 Uhr. Eintritt frei, Kollekte.

---

## Berufsinformationsschau in der distec ag

**Am Mittwoch, 10. April 2019**, ab 16 Uhr findet in unserem Unternehmen in Disentis eine Berufsinformationsschau statt. Der Anlass richtet sich an alle Jugendlichen, die vor der Berufswahl stehen, und deren Eltern. Es werden die Lehrlingsausbildungen in den Berufen Polymechaniker/in und Produktionsmechaniker/in, die distec ag und deren Lehrlingsabteilung sowie der äusserst interessante Maschinenpark vorgestellt. Jugendliche und deren Eltern erhalten so eine Entscheidungshilfe aus erster Hand, da alle Lehrlinge ihre Ausbildung und ihre Arbeiten selber vorstellen werden. Kompetente externe Referenten werden über die Lehrberufe und Weiterbildungsmöglichkeiten nach der Lehre, sowie über die Auswahl einer Lehrstelle referieren und für Fragen zur Verfügung stehen.

---

## Uniun da dunnas Disentis/Mustér

### Suentermiezdi da Pastgas

Cordialmein envidein nus tut ils affons en accumpignament d'ina persuna carschida a far lieurs da pastgas ord pasta. Entochen che las lieurs da pasta van allura en fuorn, vegni presentau in kino da cudischs da maletgs. Silsuenters vegn ei aunc purschiu stiva da caffè e pettas. Datum: **Mesjamna, ils 10 d'avrel 2019**  
Temps: 14.00, liug da sentupada: All'entrada dalla cantina dil gimnasi (davos claustra) Parcadis: Stattan a disposiziungratuitein davos la claustra (Via Sogn Sigisbert). Per plascher s'annunziar entochen ils 7 d'avrel 2019 tier [laura.deflorin@outlook.com](mailto:laura.deflorin@outlook.com) ni 078 813 78 17  
Sin Vossa participaziun selegran  
*Las menadras dil ressort affons*

---



### Uniun da gimnastica da dunnas Muster

Ils proxims datums per nossa purschida: Line-Dance inagada il meins ein: **Gievgia, ils 4 d'avrel ed ils 9 da matg 2019** allas 19.30 el Center da sport Muster. Nus envidein tuttas interessadas pil sault – vegni tier nus en halla da gimnastica! El num dalla uniun da gimnastica da dunnas Muster (tel. 079 672 50 46).

---

### Frauenturnverein Disentis

Die nächsten Daten für das Line-Dance-Angebot einmal im Monat sind: **Donnerstag, 4. April und 9. Mai 2019**, um 19.30 Uhr im Center da sport in Disentis. Wir laden alle Tanzbegeisterten ein, bei uns hereinzuschauen.

Uniun da gimnastica da dunnas Muster (Tel. 079 672 50 46).